

POLELO YA PHATLALATŠO YA DITABA YA MABAPI LE KAMOGO YEO E LEGO MOLAONG YA DITHOTO TŠA ROY MULEYA

Tshwane, 29 Diphlane 2025 — Ditirelo tša Motšhelo tša Afrika Borwa (SARS) di amogela kahlolelo yeo e filwego ka la 29 Diphlane 2025 ke Kgorotsheko ya Godimo ya Afrika Borwa, Gauteng Leboa (molato wa nomoro ya. 48495/2020). Sephetho se dirilwe ka lebaka la kgopelo yeo e dirilwego ke SARS bakeng sa kamogo yeo e lego molaong ya dithoto tša Mra Roy Muleya.

Mra Muleya o hweditšwe gore ke mokgathatema yo mogolo wa sekema seo se amanego le tlišogae ya motsoko ya ditheo tšeo di bego di sena dikgokaganyo tša batšweletši bao ba ngwadišitšwego ba disekerete.

Mra Muleya o laeditšwe molato ka tsebišo ya karolo ya 103 go ya ka Molao wa Khasetomo le Motšhelophahlogae wa mabapi le khamphani yeo e nago le sekoloto sa palo ya ±R155 million. Ke molaodi mogolo wa khamphani.

SARS e hlomile kgopelo ya kamogo yeo e lego molaong ya dithoto kgahlanong le Mra Muleya go ya ka karolo ya 177 ya Molao wa Taolo ya Motšhelo ka Lewedi 2021.

Kgopelo e theeditšwe ka la 24 Mopitlo 2023, gomme kahlolo e ntšhitšwe ka la 24 Mopitlo 2023, ka go fiwa kamogo ya dithoto ya sebakanyana ya Mra Muleya.

Katlego ye e šupetša maikemišetšo a leano leo le dirišwago ke SARS go šomana le bao ba kgethago go šoma ka ntle ga molao. SARS ka mehla e rata go fana ka hlathollo le tiišetšo go balefela motšhelo gore ba ba tsebe boitlamo bja bona bja semolao. Se se tsamaišana le go fana ka dipolatelyo tša ditšhatle, tšeo di dirago gore ba fihlelele boitlamo bja bona gabonolo. Fao balefela motšhelo ba kgethago go se obamele ka boomo ka go se latele molao, SARS e tlo ba thatafaletša le go ba lefiša dikotlo tša godimo. Maitekelo a ka moka a dirwa go hlohleletša setšo sa obamelago ka boithaopo. Se ke go kgonthiša gore balefela motšhelo ka moka ba fihlelele boitlamo bja bona ka mokgwa wa tekatekano, ntlele go imetša balefela motšhelo bao ba obamelago ka morwalo wa go se lekane wa go lefela motšhelo.

Go fa tshwayotshwayo ka molato wo, Khomišinare wa SARS Edward Kieswetter o boletše gore:

“SARS e ka se felelwe ke maatla a go latediša batho ka moka go ya ka molao bao ba sa obamelego molao ka go o hlokomologa. Afrika Borwa e lemogile ka go ata motsoko le disekerete tšeo di sego molaong, gomme ditiro tša Mra Muleya di tkiga di feteletša ditlhohlo tše. Go tliša disekerete tšeo di sego molaong mo nageng di bea maphelo a bao ba kgogago kotsing gape go nyatša ditšhelete tša naga ka go dira gore di se hwetše makgetho a motšhelophahlogae. SARS e tlo tšwelapele go tšea magato a semolao le go šoma kgahlanong le bao ba hlokomologago maikarabelo a bona a motšhelo ka boomo. Molaetša wo re nyakago go o fetiša ke gore go se na taba gore molato o tšea sebaka se se kaakang SARS e ka tlogele maikarabelo a yona a tiišetšo ya molao. Re tlo dira bjalo ka maikarabelo ntle le kgethollo, go fiega goba kgaugelo. Ka gobane ka moka re a lekana pele ga molao”.

Khomišinare gape o ipileditše go batho bao fa folago “Mola e le kgetho ya gago ya gore o fole motsoko, ke rata go bolela le wena gore o ganetše moleko wa go thekga tšweletšo le thekišo ya ditšweletšwa tša motsoko wo o sego molaong. Ka go dira bjalo, o tla be o amega go digongwana tša bosenyi ge o sa hlokomele” o phethile ka go realo.

Go hwetša tshedimošo enngwe, ka kgopelo ikgokaganye le SARSMedia@sars.gov.za

SEPHETHO